

[www.BibleForChildren.org](http://www.BibleForChildren.org)




Juan 14



Jesúsnö abinaja bä nowa tama. —Bä bufi nofi  
jushublao dijä. Yai Bada tä ą shino bejedi da bufije.  
Camiyă wamale ą bejedi ąai da bufi. Fayă e yafi jamö,  
täbă nia lä bälöo wei bä yano bluca. Inaja tä cuo mlao  
fa cunoja, ya tä ą nö wäyăbö mlai.



Öjamö lä wamacö bälödiobä, bamacö yanobö nia  
dodijidabladayou. Cafä wamacö bälöobä, ya tä  
dodijidablaö fa balölonö, bamacö nabä nia juimaö.  
Camiyä ya cuobä jamö wamacö cuo mö feduobä,  
bamacö nia cöablaö.



Camiyä Juan ya lä cui camiyä bämacö bluca.  
Jesucristo a nowa ja wamacö nö bleaamaö lä  
culajeinaja, inaja showawä camiyä yale

nö çai bleaamaö mö feduaje. Jesucristo a  
bälöa dodijiqueyoluu däjä,



cafü wamacö nia lä  
cuo weinaja camiyä  
ya nia çai cuo mö  
feduo.



Öjö wama a nö dabolano wamacö nö walojaö fe lä  
yadio weinaja, camiyä ya nö çai walojaö cuo mö  
feduo talei. ¿Öjö tawä? Yai Bada ya etä ą


wäyöö nofi jushuaö yalo, Jesucristonö tä ą lä  
wawämano wei ya etä ą




çai wayoablalaö fe  
yadia cudeenö,  
Bamo tä ulifi lä  
jöcole jamö wale shi  
wälimaquemaje.



Yedu, Yai Bada tä Bufenö wale lojodobolanö, Bada a lä  
döcäo wei etäcö jamö, ya fedu jamö döcäa dalalema.  
¿Öjö tawä?



Ya bä ą jililema. Fedu jamö bä lä culadi bä ma cui, bita  
jamö bä bluca lä cublai bä ma cui, mashita a cojomö  
jamö bä lä cublai bä ma cui, modu  
u jamö bä lä cubodi bä ma cui, öjö  
ya bä ą bluca jödödöwä jilia  
showadalema. Abinaja bä cuma.



Bada tä dōcāobā etācō jamō a lā dōcāle a ma cui,  
Oweja a wāfa ocalo lā jilamou wei a ma cui, öjō bāma  
cācōbō nofi yai dobobā cācōbō.


Wawādowā cācōbō nofi dodijidawā  
tabobeje cācōbō. Cācōbō āfa  
doblao tamobā. Cācōbō nō āfa  
çai wālojaō tabeje.

Inaja cācōbō  
nofi tabou  
shi wālibeje  
cācōbō. Einaja  
bā cuma.




Jelusale dude ya tä shabono çai itou dalalema, Yai Bada etä shabono lä yaile a lä cui. Yai Bada tä lä cule jamö a cuoma a itolayoma. Bä feyalobö nija a moco cuobä a baushiblaö lä cuaaö wejeinaja a shabono baushi fa tablamolunö, inaja a cuoma. Bada tä


döcäobä  
etäcö jamö a  
culanö, ai tä a  
jicali falayoma.




Abinaja ya cuu jililema. —¿Öjö tawä? Fei däjä,  
yanowamö täbä nijamö Yai Bada tä nia bälöo. Öjö bä  
nijamö a fa bälöalunö, cama ebä nia cublou cadidio.  
Cama Yai Bada tä showawänö bä nia çai cuo.



Öjö däjä ajele a lä cuinö, camiyä nija  
baḷimiblamamodima u damalalema. U mömou  
walalawä dodijidaoma. Yai Bada tä döcäobä etäcö  
cotä jamö culanö u fa falönö u caläma, Oweja a wäfa  
ocalo lä jilamou wei a çai lä döcäo wei jamö.



Öjamö bä lä bälöle bänö, motoca a nia bufijaimije.  
Belibo a ma cui, inaja showawä. Yai Bada tä shiinö tä  
bluca wacacamabou malä waiquii. Oweja a wafa ocalo  
lä jilamou wei a lä cui, cowa wacöbä shii cublamobä tä  
lä culenaja a çai cua malä waiquii.




Öjö ma cui, öjamö tä lä shami wei tä nia lucäimi. Yai Bada tänö tä nofi taö lä wəlibou wei tä lä taö wejei bä lä cui, bä nia çai faimi. Bä lä jolemou wei çai mlai. Bəlimi bä nia lä cudio wei, Oweja a wəfa ocalo lä jilamou wei esi oni ja bä əfa oni lä cule, öjö bä nia shino faö ayao.




Yai Bada tänö öjö bä mabuubö  
nia bluca yajöblaö. Bä nia  
nomaö çadaaimi. Täbä nomöa  
nia boimije. Bä nia çai öcöimi. Bä  
nia çai ninio çadaaimi. Inaja tä  
bluca cuo lä balöono wei tä malä  
mladaliyono wei —a cuma.




Yai Bada tänö tä nofi lä wəlibou wei, öjamö tä nia cuo  
çodaaimi. Öjamö Yai Bada a nia döcäo, cama Bada  
etäcö jamö. Oweja a wəfa ocalo lä jilamou wei a ma  
cui, öjamö a çai nia döcäo. Yai Bada etä ą juamobä bä  
lä cui, bä möfe bolanö  
showadi a wəfa nia  
Bada doblao taöje.  
Yai Bada mofecö  
nia dablaö  
wawädooje. Bei  
bä wäyäcu ja,  
Yai Bada bei  
a wəfa nia  
oni cublamou.



Bä lä nomano wei bä demi jocädou fa çolonö, öjö ya  
bä çai dalalema. Bä ʄafa lojode lä wäyämamono wei bä  
ma cui, bä ʄafa lojode wäyämamono lä mlai bä ma cui,  
Bada tä döcäobä etäcö ajede jamö bä bluca ublajao  
toujuoma. ¿Öjö tawä? Bä lä cuaaö wei bä  
ʄa lä onibole sibä caloblalemaje. Bałimi bä  
nia lä cuo wei bä ʄafa lä onibole si çai.




Öjö däjä, cama bä lä cuaano wei tä oni fa mönö, bä  
bluca lä nomano wei bä jömöa showadaquema. Bålimi  
bä nia lä cudio wei bä afa lä onibole si ja, bä afa oni  
cua lä mlai bä lä cui, cowa wacö ca jamö bä caji bluca  
quemabalema.



Yai Bada tä Bufi ą faö. Oweja a wąfa ocalo lä jilamou  
wei bä suwäbö e ą ąai faö. Abinaja cäcöbö cuu. —;Bä  
da jabo! —cäcöbö cuu. Ei wama tä ą lä jilile wamacö  
ma cui, wamacö ą ąai fabä.



—¡Bä da jabo! —wamacö cubä. Bä lä amishaö wei bä  
lä cui bä juimabä, öjö lä. Bä lä bufio wei bä lä cuinö,  
no mlai ja bälimiblamodima u coayolubeje.



'Yai Bada tänö yanowamö täbä  
nofimaö fa dodijionö, bä ljilubö  
moli ya e lä cui yale shömölema.  
Wale ą bejedi lä bufii wejei bä  
bluca lä cui, bä nomaö mlai ja  
bä bəlimi cuobä.



Romanos 3:23 Yanowamö täbä jödödöwänö wəlidiwä tä taö malä cujei. Yai Bada tä doblao lä culenaja bä cuwä malä mlai.

Romanos 6:23 Wəlidiwä tä lä taö wejei tä nowa ja täbä malä nomaö wei. Öjö ma cui Bada tä Jesucristo lija bamacö bufi cua yalo, Yai Bada tänö no mlai ja bämalecö bayeliblaö, bəlimi bamacö cuobä.

Hebreos 9:27 Yanowamö täbä nia lä nomaö wei, moli bä nia shilo nomaö. Öjö dējä Yai Bada lija bä nia icuo, bä jimamobä.

Efesios 2:8,9 Wamacö nofi ojodabou yalo, Jesucristo wama a nofi fa mölabonö wamacö malä fucäləno wei. ¿Öjö tawä? Wama a nofi lä mölabou wei tä ma cui, Yai Bada tänö no mlai ja wamacö bayeliblaö mlao fa cunoja, wama a nofi nö çai mölabou bädaobö mlai.



Täbä lä dodijaö wei tänö täbä fucäamoimi yalo, cama bä dodijidawä jimöobä etä cuami.

Romanos 10:9,10 Bei wa caficönö Jesús wa wafa Bada wäaö ja, bei wa bufinö Yai Bada tänö a demi jocädamaö lä çolayono wei wa tä ą bejedi çai bufibou ja, wa fucäamou wä.

Bei täbä bufinö tä ą bejedi malä bufibou wejei, jai bä dodijidawä waiquiwä Yai Bada tänö bä nofi tabobä. Bei täbä caficönö bä ą nö çai wäo, bä fucäamobä.

Juan 3:16,17 'Yai Bada tänö yanowamö täbä nofimaö fa dodijionö, bä ljilubö moli ya e lä cui yale shömölema. Wale ą bejedi lä bufii wejei bä bluca lä cui, bä nomaö mlai ja bä bälimi cuobä.



Yai Bada tänö bita jamö bä Ijilubö wale lä shömöleno wei ya lä cui, yanowamö ya täbä nö bleaamabä wale shömano malä mlai. Ya täbä yai jucäabä wale shömölema.

1 Juan 5:11-13 Bälimi bamacö cuobä Yai Bada tänö bämalecö lä dobäleno wei tä afa yai wäyämou. Bä Ijilubö bäma a bejedi lä bufii wei tänö bamacö yai bälimi cuobä.

Bä Ijilubö e lä tabou wejei bä lä cui, bälimi bä li cua waiquia. Yai Bada bei Ijilubö e tabou lä mlajei bä lä cui, bä nia lä bälimio wei etä cuami.

Yai Bada bei Ijilubö wama a bejedi lä bufii wei wamacö bufi jaducublobä, ei ya tä a oni shömaö. Bälimi wamacö cua lä waiquile wama tä dabä.



Juan 14; 2 Crónicas 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Yanomamo (guu) ©2012, All Rights Reserved

<https://www.bible.com/en-GB/bible/2980/GEN.1.GUU>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

